

華東稀見方志文獻 第十三卷

中國華東文獻叢書



中國華東文獻叢書·第一輯

華東稀見方志文獻

第十三卷

甘肅省古籍文獻整理編譯中心
中國華東文獻叢書編輯委員會
編

甘肅省古籍文獻整理編譯中心重大整理項目

本輯主編：倉修良 高國祥

福建部分主編：方寶川

副主編：陳旭東

本卷目錄

四明圖經	〔乾道〕張	津等纂	……	〇〇三
寧波郡誌	〔成化〕楊	寔纂修	張	瓚
			方達校正	……
杭州府志	一	〔成化〕陳	讓	夏時正纂修
				……
				三七九

【乾道】張 津等纂

四
明
圖
經

〔乾道〕《乾道四明圖經十二卷》，宋張津等纂修，乾道五年（公元一一六九年）原刊，清光緒五年（公元一八七九年）重刻本（序）。黑口，雙魚尾，左右雙欄。半葉十行，行二十一字。書口下方題有『烟嶼樓校本』。

張津，生平事蹟不詳。卷前有董沛序文及黃鼎序文。

〔宋〕張津等纂修

乾道四明圖經

校刻宋元四明志序

地理之書昉於禹貢土訓誦訓所掌其遺法也秦變封建亦有圖籍鄴侯入關得以收之然郡縣專志兩漢四百年未有聞焉六朝以來若顧啟期之婁地記山謙之吳興記雷次宗之豫章記鄭緝之之東陽記朱育賀循之會稽記始郡縣志之權輿乎顧其書皆不傳其傳者自北宋始真宗景德中詔諸路州府軍監校勘圖經編入古跡而上諸朝天下守長咸事編纂吾四明亦以其時始有專書舒信道西湖引水記常引之咸平中蘇為善政廟記云王元暉開封之典圖志載之並不言明州圖志或係他書未可為州志所自始舒信道則明州圖志也

近人它山圖經引唐鄞縣圖經一 董序一條此偽造以欺人者不足信厥後李從事再修於大觀初卽爲張州將乾道圖經之祖本羅參軍之寶慶志猶其後也近今所傳以乾道爲最古而北宋二志不得與朱長文吳郡續記並畱於天壤間亦可惜已吳履齋出判慶元其屬僚紀其政績爲開慶續志傳一人之事而冒一郡之名論者以爲非體元則清容之志最有盛名至正中王雷軒續之門類皆仍舊例其書出遂初之手固延祐中同修者此宋元四明志之大凡也於時屬縣鄞奉並有專志而今亦散亡惟大德昌國志幸有傳本我

朝開四庫館宋元郡縣志著錄僅二十家吾郡實居其

四乾道至正猶未收入蓋當時無人採進也一邦之書甲於天下文獻所徵良可寶矣往者謝山全氏有宋槧寶慶開慶二志後入趙谷林家今不知流落何所鄞之抱經樓尙有開慶宋本此外宋元志諸家所藏並係傳鈔魯魚壺矢譌謬相踵從未有策而刻之者同叔徐先生宏雅好古雷意榮梓乃發舊藏及借閱諸鈔本校正脫誤付之手民塗乙之故具於別錄爲札記二十卷補遺二卷又纂佚文四卷作者傳二卷雜錄二卷餘考一卷均署曰校勘記神明煥發頓還舊觀然後四明五志

董序

二

校本

洎大德昌國一編俱足爲藏家善本非特吾郡不可少之書也魏吉州它山備覽雖係一隅水利而亦宋人舊帙并附刊焉制剛告成皮板廿載兩遭劫火幸無缺佚比先生修鄞志復丐他本命同事校之將益整次以成完書而先生遽歿復東高閣矣光緒戊寅郡守宗公有事圖志而聞徐氏之書尙秘篋笥乃出俸金屬先生嗣子隆壽印行之隆壽請於陳徵君子相合前後各校之本重爲補綴傳之於世原有校勘記自佚文以下仍附本書惟札記多未定之說先生欲改而未是正者今姑闕焉自明以降郡縣圖志靡國不舉然類有蕪穢凌亂

之作古法蕩然惟宋元兩朝猶存唐以前謹嚴之意卽以浙中論之嘉定之赤城志景定之嚴州志至元之嘉禾志乾道咸淳之臨安志嘉泰寶慶之會稽志以及高氏刻錄常氏漱水志諸書皆嘗覽其大略簡而有法繁而不支與吾郡六家實相伯仲足以示後來地學之準而吾郡藉徐先生之力俾此六家之書粲然復行洵有功於文獻者也余在鄉里與先生商榷是書蓋亦有年今服官江右聞是書將已傳布引領東望寶筏我心隆壽書來屬序其始末乃備述原委以弁之簡端

光緒五年閏三月鄭董沛序

董序

三

應興樓校本

宋元四明六志卷首

欽定四庫全書總目

地理類都會郡縣之屬

寶慶四明志二十一卷開慶續志十二卷

兩淮鹽政採進本

朱羅濟撰濟廬陵人官贛州錄事參軍文獻通考作羅琿蓋傳寫誤也先是乾道中知明州張津始纂輯四明圖經而搜採未備寶慶三年煥章閣學士通議大夫知慶元府兼沿海制置使廬陵胡桀復命校官方萬里因圖經舊本重加增訂如唐刺史韓察之移州城唐及五代郡守姓名多據碑刻

六志首

一

應興樓校本

史傳補入其事未竟會萬里赴調中輟潛與桀同里適遊四明遂屬之編定凡一百五十日而成書前十一卷爲郡志分敘郡敘山敘水敘產敘賦敘兵敘人敘祠敘遺九門各門又分立四十六子目第十二卷以下則爲鄞奉化慈谿定海昌國象山各縣志每縣俱自爲門目不與郡志相混蓋當時明州雖建府號而不置倚郭之縣州故與縣各領疆土如今直隸州之體特與他郡不同也宋史藝文志僅有張津圖經十二卷及四明風俗賦一卷不載是書惟陳振孫書錄解題載之其卷數與此

本相合蓋猶從朱槧鈔存者志中所列職官科第
名姓及他事蹟或下及咸淳距寶慶三十四年蓋
後人已有所增益非盡羅濬之舊然但逐條綴附
而體例未更故敘述謹嚴不失古法元袁桷延祐
四明志亦據爲藍本多採用焉續志十二卷則開
慶元年慶元府學教授梅應發添差通判鎮江府
劉錫所撰其分子目三十有七其自序稱續志之
作所以志大使丞相履齋先生吳公三年治鄞之
政績其已作而述者不復志故所述多吳潛在官
事實而山川疆域已詳於舊志者則概未之及是

六志首

二

續修校本

因一人而別修一郡之志名爲輿圖實則家傳於
著作之體殊乖然案宋史吳潛傳載潛以右丞相
罷爲觀文殿大學士尋授沿海制置大使判慶元
府至官條具軍民久遠之計告於政府奏皆行之
又積錢百十七萬三千八百有奇代民輪帛前後
所蠲五百四十九萬一千七百有奇是潛治鄞以
後宦績頗有可觀二人所述尙不盡出於諛頌至
潛所著文集世久無傳後人掇拾叢殘編爲遺彙
亦殊傷闕略此志載潛吟藁二卷其古今體詩二
百九首詩餘二卷共詞一百三十首皆世所未觀

雖其詞不必盡工而名臣著作藉以遺存固亦是
資援據故今仍與羅濬書並錄存焉

大德昌國州志七卷

浙江范懋桂家
天一閣藏本

元馮復京郭薦等同撰復京潼川人官昌國州判
官薦里貫未詳官鄞縣教諭昌國州卽今定海縣
宋熙寧六年置昌國縣元至元十五年始升爲州
此書成於大德二年七月凡分八門曰敍州曰敍
賦曰敍山曰敍水曰敍物產曰敍官曰敍人曰敍
祠前有州官請者儒修志牒一篇未有郭薦等饒
中文牒一篇冠以復京序據序中所述始末蓋復

六志首

三

續修校本

京求得舊志屬薦等訂輯而復京爲之審定者也
其大旨在於刊削浮詞故其書簡而有要不在康
海武功志韓邦靖朝邑志下海書邦靖書爲作者
盛推而此書不甚稱於世殆年代稍遠鈔本稀傳
歟據原目所載卷首當有環山環海及普陀山三
圖圖志之名實由於是此木有錄無書蓋傳寫者
佚之矣

延祐四明志十七卷

浙江巡撫
孫進本

元袁桷撰桷字伯長慶元人宋知樞密院事詔之
曾孫少爲麗澤書院山長以薦改翰林國史院檢

開官累遷侍講學士卒贈江浙行省參知政事追封陳留郡公諡文清事蹟具元史本傳
桐文章博瞻爲一時臺閣之冠所著易說春秋說諸書見於蘇天爵墓誌銘者世久無傳惟清容居士集及此志尙存書成於延祐七年蓋慶元路總管馬澤屬桐撰次者也凡分十二考曰沿革曰土風曰職官曰人物曰山川曰城邑曰河渠曰賦役曰學校曰祠祀曰釋道曰集古條例簡明最有體要桐先世在宋多以文學知名稱東南故家遺獻沒後會朝廷修史遣使求郡國軼文故事惟袁氏所傳爲多

六志首

四

應興樓校本

故其於鄉邦舊典尤多賈申志中考核精審不支不濫頗有良史之風視至元嘉禾至正無錫諸志更爲賅洽惟自第九卷至第十一卷爲傳寫者所脫佚已非全帙然元時地志鈔帙無多存之亦足以資考究固未可以不完廢也

地理類河渠之屬

四明它山水利備覽二卷

浙江吳玉璣家藏本

宋魏岷撰岷鄞縣人官朝奉郎提舉福建路市舶鄞故有它山一水其始大溪與江通流鹹潮銜接耕耨弗利唐大和七年邑令王元暉始築堰以捍

江湖於是溪流灌注城邑而鄞西七鄉之田皆蒙其利歲久廢壞宋嘉定間岷言於府請重修且董興作之役因爲是書記之上卷雜志源流規制及修造始末下卷則皆碑記與題詠詩也案新唐書地理志載明州鄞縣案鄞縣在唐爲鄞縣南二里有小江湖漑田八百頃開元中令王元緯置東二十五里有西湖漑田五百頃天寶二年令陸南金開廣之今此編稱它山水入於南門渚爲日月二湖其日湖卽小江湖月湖卽西湖謂二湖皆王元暉所浚而不言有天寶之陸南金似有闕略至其以元緯爲

六志首

五

應興樓校本

元暉以開元中爲大和七年則此編所載諸碑記及唐僧元亮詩證佐顯然足以糾正唐志之謬不得以與史異文爲疑矣此書在地志之中頗爲近古宋四明郡志嘗採其說然傳本頗稀幾於泯沒而無可考明崇禎辛巳郡人陳朝輔始得舊帙梓行版亦散佚首有岷及朝輔二序而末以四明志序附焉蓋卽從陳本錄出者也

欽定四庫全書簡明目錄

地理類都會郡縣之屬

寶慶四明志二十一卷開慶續志十二卷

四明志宋羅濬撰續志宋梅應發劉錫同撰四明志前十一卷爲郡志後十卷爲所屬六縣志蓋明州雖建府而無附郭之縣仍領疆土故也敘次頗不失古法續志名爲郡志實則錄吳潛一人之事迹詩詞殊乖體例以潛爲名臣姑竝存焉

大德昌國州圖志七卷

元馮復京郭薦等同撰原本首有三圖故曰圖志今圖佚而志存分爲八門其大旨在翦削浮詞故簡而能括不在韓邦靖康海等所撰下也

延祐四明志十七卷

六志首

六

煙嶼樓校本

元袁桷撰分十二門義例謹嚴最有體要原本二十卷今第九卷第十卷第十一卷竝佚

地理類河渠之屬

四明它山水利備覽二卷

宋魏峴撰它山山水在鄞縣灌漑七鄉惟患爲江湖所汨唐時築堰以捍潮遂爲永利歲久廢壞峴請於府重修因作是書上卷記源流規制及修築始末下卷爲碑記與題詠

謹案乾隆朝

詔編四庫全書宋元郡縣志著錄於

文淵閣者二十種四明得四種宋乾道之圖經元至

正之續志尙以傳本稀少未獲進

呈而一郡之書已居海內什分之二矣考其源流大德爲范氏家藏延祐由浙撫探進卽寶慶開慶之獻自兩淮鹽政者亦揚州馬氏從鄞全氏傳鈔之本蓋吾鄉先哲並多留心粉社掌故故文獻足徵如此今彙刻宋元六志附以水利備覽恭錄

欽定四庫提要

欽定簡明目錄并冕卷端以爲此邦榮耀焉至提要寶慶

六志首

七

煙嶼樓校本

條謂鄞縣非倚郭大德條稱州判名復京備覽條述魏峴官但云提舉市舶則皆當時儒臣偶然失考已詳本志與校勘記中不復覈

續

宋元四明六志卷首

四明圖經序

山海有經輿地有圖郡邑有圖經此古今所共由而一日所不可闕者也蓋天下之阨塞戶口之多寡不有載籍以著其所以然則所謂阨塞多寡者雖欲具知而不可得此博古之士所以勒成一書以昭後世而傳無窮也爰自大觀元年朝廷創置九域圖志局命所在州郡編纂圖經於是明委郡從事李茂誠等撰述故地里之遠近戶口之主客與夫物產之異宜貢賦之所出上而至人物古跡釋氏道流下而至於山林江湖橋梁坊陌微而至於羽毛鱗介花木果蔬藥茗器用之類靡不畢備書成未幾而不幸厄於兵火遂致存者亡全者毀前日之所成者泯然而不見制置直閣張公治明之二年政成民和郡以無事乃登黃堂而歎曰明之爲郡亦久矣在古爲餘姚之墟在漢爲會稽之境逮唐武德中而卽鄞置縣開元中而卽縣爲州山有四明祠有梨洲有孫興公見之於賦有梅仙虞喜之所廬有任奕董黯之人物有王密房琯之德政有建隆郡守康憲錢公億之暴有熙寧宰相國王文公之祠其他山川勝槩章章在人耳目者未易以縷舉而圖經則闕焉詎可不搜訪遺亡以補四明之故事也哉公乃分委僚屬因得舊

乾道序

原編樓校本

錄更加採摭纂爲七卷又以篇什碑記等爲五卷附於其末噫年歷四十餘守更數十政其間非無銳意立事欲作爲一書垂之永遠者或因循未暇今公啟是念於黃堂之上財六旬而篇帙粲然大備鳩工刊木昭示將來信乎天下事非立志堅而用意到嚆能有成哉乾道五年四月初一日右修職郎新處州縉雲縣主簿主管學事三山黃鼎序

乾道序

原編樓校本

四明圖經目錄

卷一

總敘

分野

風俗

城池

子城

祠廟

水利

古跡州城內

賢守事實

卷二

鄞縣

鄉里附村

御書

橋梁

乾道目

一
煙樓校本

渠堰

祠廟附祠堂

山

水江湖河潭附
按日河潭關○

人物名僧附

古跡

冢墓

縣宰題名

卷三

奉化縣

賢宰

人物

卷四

定海縣

卷五

慈溪縣

賢宰

人物

逸民

冢墓

卷六

象山縣

祠廟

山

卷七

昌國縣

鹽場

祠廟

山

水湖潭井

古跡

乾道目

二
煙樓校本

卷八

古賦

古詩

律詩

絕句

長短句

卷九

記

卷十

記

卷十一

碑文

銘